

## Ag Stopadh i dTeach mo Charad

### Tasc A

#### Rólimirt

An Aoine atá ann. Beidh tú ag stopadh thar oíche i dteach do charad. Tá an bheirt agaibh ag siúl chuig teach do charad i ndiaidh am scoile. Tosaíonn sibh ag labhairt faoi na rudaí a dhéanfaidh sibh an oíche sin agus an lá dár gcionn.

Bain úsáid as na ceisteanna seo a leanas le tacú leis an chomhrá. Bí cinnte go mbíonn seal ag gach duine atá mar chuid den chomhrá na ceisteanna a fhreagairt. Ná déan dearmad freagairt leis an bhriathar nuair is féidir.

1. Cad é a ba mhaith leat don dinnéar anocht ón tsiopa sceallóg
2. Ar mhaith leat amharc ar scannán anocht? Cad iad na scannáin a bhfuil dúil agat iontu?
3. Cén t-am a théann tú a luí ag an deireadh seachtaine?
4. An mbeidh cóisir meán oíche againn? Cad é a cheannóidh muid sa tsiopa fána choinne?
5. An mbíonn luí seoil agat ar an tSatharn? Cén t-am a éiríonn tú ag an deireadh seachtaine?
6. Cén bricfeasta is fearr leat a ithe maidin Sathairn? An dtaitníonn friochadh leat?
7. An mbíonn ar dhaoine i do theaghlach freastal ar chumainn maidin Sathairn?
8. Ar mhaith leat dul chuig an teach anois agus éisteacht le ceol? Cén ceol is fearr leat?
9. Ar ghlac tú pitseámaí leat? Cén dath atá orthu?

#### Seo frásáí úsáideacha agus cora cainte le tacú leat

- » Stopadh i dteach mo charad
- » Codladh thar oíche
- » Pitseámaí
- » Cóta tí
- » Bróga tí
- » Dinnéar ón tsiopa tsiopa sceallóg, teach píotsa, bia Síneach
- » Cóisir meán oíche – brioscáin prátaí, milseáin, líomanáid
- » Bricfeasta – friochadh, torthaí, gránach
- » Scannán
- » Ag éisteacht le ceol
- » Callairí
- » Luí seoil – codladh isteach
- » Ag caint agus ag gáire go mall san oíche
- » Ag dul chuig cumainn
- » Ag imirt peile, ag dul chuig gleacaíocht, ag imirt spóirt
- » Ag dul chuig an tsólann
- » An Satharn/Maidin Dé Sathairn
- » An Aoine/Oíche Aoine
- » Ag dul chun na páirce
- » Ag súgradh le cairde
- » Am codlata/Am luí
- » Rinne mé brionglóid.

## Ag Stopadh i dTeach mo Charad

### Seanfhocail

An rud is annamh is iontach.

### Saibhreas Teanga

Ag geabaireacht  
 Ag cóisireacht  
 Ag ligean ár scíthe  
 Chomh dubh le pic  
 I lár na hoíche  
 Chomh sásta le bolg lán

## Tasc B

### 1. Liosta do Chóisir

Smaoinigh ar an chóisir Meán Oíche a bheith agat le do chara. Cad iad na rudaí a bheidh de dhíth oraibh? Smaoinigh ar na rudaí seo:

- » Milseáin – cén sórt milseán?
- » Bia eile ar nós brioscáin prátaí – cén blas a bhfuil dúil agaibh ann?
- » Deochanna – líomanáid, cóc, uisce, sú oráiste
- » Ceol – cén sórt ceoil a bheidh sibh ag éisteacht leis?
- » Scríobh amach liosta de na rudaí a bheidh de dhíth oraibh. Déan an liosta chomh dathúil agus is féidir.

### 2. Clár Ama

Beidh tú ag stopadh i dteach do charad. Tá rudaí difriúla beartaithe agaibh don oíche. Scríobh clár ama de na rudaí difriúla a dhéanfaidh sibh. Bí cinnte go bhfuil na hamanna agus na gníomhaíochtaí difriúla soiléir.

Seo cúpla smaoinemh le cuidiú leat:

Cad é a bheidh agaibh don dinnéar agus cén t-am a íosfaidh sibh?

An mbeidh sibh ag amharc ar scannán nó ar chlár teilifíse? Má tá cén t-am?

An ndéanfaidh sibh gníomhaíochtaí ar bith eile? Cén t-am a dhéanfaidh sibh iad?

Cén t-am a bheidh bricfeasta agaibh ar maidin?

Bí cinnte go bhfuil na hamanna san ord cheart. Is féidir an clog 12 uair nó 24 uair a úsáid.

Bí cinnte go bhfuil do pheannaireacht soiléir.